



讀武公竊國迄
惠懷之際乃知
我骨肉以得者
亦我骨肉以亂
之讀文公倡伯
迄三晉之分乃
知強爪牙以興
者亦強爪牙以
亡之天道乎抑
人事邪

抄語

國語第四

晉上

起武公
至懷公

武公伐翼殺哀侯止欒共子曰苟無死吾以子見
天子令子為上卿制晉國之政辭曰成聞之民生
於三事之如一父生之師教之君食之非父不生
非食不長非教不知生之族也故壹事之唯其所
在則致死焉報生以死報賜以力人之道也臣敢
以私利廢人之道君何以訓矣且君知成之從也
未知其待於曲沃也從君而貳君焉用之遂鬪而



國語

晉上

死

武公。曲沃桓叔之孫。嚴伯之子也。翼。晉都。哀侯
晉昭侯之孫。鄂侯之子也。初。昭侯分國以封叔
父桓叔。為曲沃伯。曲沃疆盛。昭侯微弱。晉潘父
殺昭侯而納桓叔不克。晉人立昭侯之子孝侯。
嚴伯殺孝侯。翼人立其弟鄂侯。鄂侯生哀侯。魯
桓三年。曲沃武公伐翼。殺哀侯而兼之。王使虢
公命武公。以一軍為晉侯。遂為晉祖。桓叔之始
封也。欒共子之父。欒賔傅之。故止共子。使無死
也。如一。服勤致死也。族類也。唯其所在。在君父
為君父。在師為師也。且君之君。武公也。成。共子
名。君知成將死其君。為從臣道。故使止臣。未知
成不死而待君於曲沃之為貳也。貳。二心也。

獻公卜伐驪戎。史蘇占之。曰。勝而不吉。公曰。何謂
也。對曰。遇兆。挾以銜骨。齒牙為猾。戎夏交揅。交揅

麗力知切或
什麗音同

葛注

懼弦雞切或
作攜下同

惟事

是交勝也。臣故云。且懼有口。懼。民。國移心焉。公曰。
何口之有。口在寡人。寡人弗受。誰敢與之。對曰。苟
可以懼。其入也必甘。受逞而不知。胡可壅也。公不
聽。遂伐驪戎。克之。獲驪姬以歸。有寵。立以為夫人。
公飲大夫酒。令司正實爵。與史蘇曰。飲而無肴。夫
驪戎之役。女曰勝而不吉。故賞女以爵。罰女以無
肴。克國得妃。其有吉孰大焉。史蘇卒爵。再拜稽首。
曰。兆有之。臣不敢蔽。蔽兆之紀。失臣之官。有二臯
焉。何以事君。大罰將及。不惟無肴。抑君亦樂其吉。

國語

晉上

二

孫應釐曰男
戎女戎幾妙
而理真

喜儀作嬉

穆文熙曰褒

如與號石亡

周已無可考

然號石佞人

猶可言也若

夫伊尹比妹

喜膠鬲比妲

已不經殊甚

柳州何以無

駁

答或作白古

字通

此訓作比功
似拙且號石
甫說不玄豈
善作玄豈豈
善尹方欲伐
夏向妹喜為
之他初為和
罔以死

史蘇郭偃各
極禍福淺深
之趣

而○備○其○凶○凶○之○無○有○備○之○何○害○若○其○有○之○備○之○為○
瘳○臣○之○不○信○國○之○福○也○何○敢○憚○罰○飲○酒○出○史○蘇○告○
大○夫○曰○夫○有○男○戎○必○有○女○戎○若○晉○以○男○戎○勝○戎○而○
戎○亦○必○以○女○戎○勝○晉○其○若○之○何○里○克○曰○何○如○史○蘇○
曰○昔○夏○桀○伐○有○施○有○施○人○以○妹○莫憐許其喜○女○焉○妹○喜○有○寵○
於○是○乎○與○伊○尹○智比○而○亡○夏○殷○辛○伐○有○蘇○有○蘇○氏○以○
妲○已○女○焉○妲○已○有○寵○於○是○乎○與○膠○鬲○比○而○亡○殷○周○
幽○王○伐○有○褒○有○褒○人○以○褒○姒○女○焉○褒○姒○有○寵○生○伯○
服○於○是○乎○與○號○石○甫○比○逐○大○子○宜○咎○而○立○伯○服○大○

子○出○奔○申○申○人○才陵繪○人○召○西○戎○以○伐○周○周○於○是○乎○亡○
今○晉○寡○德○而○安○俘○女○又○增○其○寵○雖○當○三○季○之○王○不○
亦○可○乎○且○其○兆○云○挾○以○銜○骨○齒○牙○為○猾○我○卜○伐○驪○
龜○往○離○散○以○應○我○夫○若○是○賊○之○兆○也○非○吾○宅○也○離○
則○有○之○不○跨○其○國○可○謂○挾○乎○不○得○其○君○能○銜○骨○乎○
若○跨○其○國○而○得○其○君○雖○逢○齒○牙○以○猾○其○中○其○誰○云○
弗○從○諸○夏○從○戎○非○敗○而○何○從○政○者○不○可○以○不○戒○亡○
無○日○矣○郭○偃○曰○夫○三○季○王○之○亡○也○宜○民○之○主○也○縱○
惑○不○疚○肆○侈○不○違○流○志○而○行○無○所○不○疚○是○以○及○亡○

噤口玷切或
作謙
銘語佳甚但
引喻只取辭
咎一字於意
無當

而不獲追鑑。今晉國之方偏侯也。其土又小。大國
在側。雖欲縱惑。未獲專也。大家鄰國。將師保之。多
而驟立。不其集亡。雖驟立。不過五矣。且夫口三五
之門也。是以讒口之亂。不過三五。且夫挾小鯁也。
可以小戕。而不能喪國。當之者戕焉。於晉何害。雖
謂之挾。而猾以齒牙。口弗堪也。其與幾何。晉國懼
則甚矣。亡猶未也。商之衰也。其銘有之。曰噤噤之
德。不足就也。不可以矜。而祇取憂也。噤噤之食。不
足壯也。不能為膏。而祇離咎也。雖驪之亂。其離咎

善論

武后反唐為
周狄梁公謂
僚佐曰此天
地間必無之
事吾唯含章
靜侯以挽回
天意耳噫狄
之見其即偃
之見偃之見
其即蘇之見
與夫子指諸大
夫

而已。其何能服。吾聞以亂得聚者。非謀不卒。時非
人。不免難。非禮不終年。非義不盡齒。非德不及世。
非天不離數。今不據其安。不可謂能謀。行之以齒
牙。不可謂得人。廢國而向已。不可謂禮。不度而迂
求。不可謂義。以寵賈怨。不可謂德。少族而多敵。不
可謂天。德義不行。禮義不則。棄人失謀。天亦不贊。
吾觀君夫人也。若為亂。其猶隸農也。雖獲沃田。而
勤易之。將弗克饗。為人而已。士為曰。戒莫如豫。豫
而後給。夫子戒也。抑二大夫之言。其皆有焉。既驪

姬不克晉正於秦五立而後平

挾猶會也。骨所以鯁刺人。猾弄也。齒牙謂兆端
左右釁拆。有似齒牙。中有從畫。故銜骨在口中。
齒牙弄之。以象讒口之為害也。兆有一畫。外象
戎。內象諸夏。兆端會。齒牙交。有似粹粹交對也。
交勝言晉勝戎。戎復勝晉。懣離也。逞快也。實滿
也。肴俎實也。卒盡也。男戎女戎之戎。謂兵也。女
兵言其禍猶兵。比比功也。伊尹欲亡夏。妹喜為
之作禍。其功同也。石甫號公名。鄭語曰。石甫讒
諂巧佞之人也。而立以為卿士。軍獲曰俘。應答
也。往令告龜辭。往伐驪也。其兆離散不吉。賊賊
敗國家之兆也。非吾宅言非吾所安居也。離則
之離。國分離也。跨猶據也。言驪姬不據有晉國。
可謂內外挾乎。驪姬若能跨據晉國。而得志於
君。齒牙之猾。雖為中害。國人逢之。誰有不從。言
必從也。不疚。不以為病也。違避也。流放也。無所
不疚。無一不以為病也。鑑鏡也。言不得復追鏡

前世善敗。以為戒也。方大也。偏偏方也。旬內偏
方小侯也。驟數也。集至也。口所以紀三辰宣五
行。故謂之門。不過三五少則三君。多則五君耳。
堪猶勝也。言骨在口。而猾以齒牙。口不能勝也。
喻不能終害。其與幾何。言不久也。嗛嗛猶小小
也。食祿也。狙貪也。膏肥也。何能服。何能服人也。
聚聚財眾也。卒盡也。三月一時。非有善謀。不能
盡一時。齊無知是也。非得人不能自免於難。衛
州吁是也。非有禮法。不能終十年。齊懿公商人
是也。齒年壽也。非有義行。不能盡其年壽。楚靈
王滅陳蔡。用隱太子於岡山是也。世嗣也。非有
天命佑助。不能歷數長久。若齊桓晉文。天假之
年而除其害。子孫繼業。神所命也。廢國謂盡害
羣公子也。以國向已。不可謂知禮也。迂邪也。不
度利害之本。而以邪奪正也。沃美也。易治也。為
人。為他人取也。夫子指郭偃。不克不能服晉也。
獻公伐驪戎克之。滅驪子。獲驪姬以歸。立以為夫

精讀此書
如陳之縣
屈求勿切又
居勿切

人生奚齊其娣弟生卓子驪姬請使申生處曲沃以
速縣重耳處蒲城夷吾處屈奚齊處絳以儆無辱
之故公許之史蘇朝告大夫曰二三大夫其戒之
乎亂本生矣日君以驪姬為夫人民之疾心固皆
至矣昔者之伐也起百姓以為百姓也是以民能
欣之故莫不盡忠極勞以致死今君起百姓以自
封也民外不得其利而內惡其貪則上下既有判
矣然而又生男其天道也天彊其毒民疾其態其
亂向法生哉吾聞君子好好而惡惡樂樂而安安是以

畜許六切又
勅六切
從子用切又
如字
信古申字

能有常伐木不自其本必復扶又生塞水不自其源必
復流滅禍不自其基必復亂今君滅其父而畜其
子禍之基也畜其子又從其欲子思報父之恥而
信其欲雖好色必惡心不可謂好好其色必授之
情彼得其情以厚其欲從其惡心必敗國且深亂
亂必自女戎三代皆然驪姬果作難殺太子而逐
二公子君子曰知難本矣

女子同生謂後生為娣於男則言姝速疾也縣
縊也以儆無辱言出此三子為鎮於外以儆備
戎翟無恥辱於國也疾疾其君也至深
也昔者之伐謂古明王也深亂亂深也

穆文熙曰首
息徒能效死
里不從羨不
阿總之忠貞
有餘而權術
不足非能圖
天下之大事
者也較留侯
遠矣

驪姬生奚齊其娣生卓子公將黜犬子申生而立
奚齊里克不鄭荀息相見里克曰夫史蘇之言將
及矣其若之何荀息曰吾聞事君者竭力以役事
不聞違命君立臣從何貳之有不鄭曰吾聞事君
者從其義不阿其惑也惑則誤民民誤失德是棄
民也民之有君以治義也義以生利利以豐民若
之何其民之與處而棄之也必立犬子里克曰我
不佞雖不識義亦不阿惑吾其靜也三大夫乃別
烝於武公公稱疾不與使奚齊泣事猛足言於犬

伯氏邑名
突也存次或
洪

子曰伯氏不出奚齊在廟子盍圖乎犬子曰吾聞
之羊舌大夫曰事君以敬事父以孝受命不遷為
敬敬順所安為孝棄命不敬作令不孝又何圖焉
且夫聞父之愛而嘉其況有不忠焉廢人以自成
有不貞焉孝敬忠貞君父之所安也棄安而圖遠
於孝矣吾其止也

泣臨也稱疾不祭而使奚齊者欲諷羣臣使知
已意伯氏猶言長子也圖圖所以自安固也作
令謂擅發舉以有為
也聞離也况賜也

獻公田見翟相之氛歸寢不寐卻叔虎朝公語之

語一作遇

厭於艷切又於豎切

對曰牀第之不安邪抑驪姬之不存側邪公辭焉
 出語士章妻為曰今夕君不寐必為翟祖也夫翟祖之
 君好專利而不忌其臣競諂以求媚其進者壅塞
 其退者距違其上貪以忍其下偷以幸有縱君而
 無諫臣有冒上而無忠下君臣上下各厭其私以
 縱其回民各有心無所據依以是處國不亦難乎
 君若伐之可克也吾不言子必言之士為以告公
 說乃伐翟祖卻叔虎將乘城其徒曰棄政而役非
 其任也卻叔虎曰既無老謀而又無壯事何以事

君被羽先升遂克之

田獵也翟祖國名氛禘氣象也凶曰氛吉日祥
 壅塞壅塞其上使不聞過也距違距違其君也
 乘升也政猶職也役服戎役也羽
 鳥羽繫於背若今軍將負旄矣

公之優曰施適於驪姬驪姬問焉曰吾欲作大事
 而難三公子之徒如何對曰蚤處之使知其極夫
 人知有極鮮有慢心雖其慢乃易殘也驪姬曰吾
 欲為難安始而可優施曰必於申生其為人也小
 心精潔而大志重又不忍人精潔易辱重債可疾
 不忍人必自忍也辱之近行驪姬曰重無乃難遷

將論隋句

為一作而

乎。優施曰：知辱可辱，可辱遷重。若不知辱，亦必不知。固秉常矣。今子內固而外寵，且善不莫不信。若外單善而內辱之，無不遷矣。且吾聞之，甚精必愚。精為易辱，愚不知避難。雖欲無遷，其得之乎？是故先施讒於申生。

極至也。分之都城而位以卿。使自知其位所極至也。人知其極，則戒懼不敢違慢。有官任而違慢，易殘毀矣。大年長也。重，悻重也。儻，僵也。悻重者，守節不易其情。則可疾斃僵也。辱之謂被以不義，遷，移也。亦必不知無所知也。秉，執也。固，執常謀。因罪以去之也。內固，內得君心。外寵，外見寵愛。單，盡也。外盡善意待天子，而內以不義加辱之，則其心無不移矣。

使俱曰指民與戎言正見民威而戎懼也

驪姬賂二五，使言於公曰：夫曲沃，君之宗也。蒲與二屈，君之疆也。不可以無主。宗邑無主，則民不威。疆場亦無主，則啓戎心。戎之生心，民慢其政。國之患也。若使犬子主曲沃，而二公子主蒲與屈，乃可以威民而懼戎。且旌君伐，使俱曰：翟之廣莫，於晉為都。晉之啓土，不亦宜乎？公說，乃城曲沃。犬子處焉。又城蒲。公子重耳處焉。又城二屈。公子夷吾處焉。驪姬既遠犬子，乃生之言。犬子由是得臯。

二五，獻公嬖大夫梁五。與東關五也。宗，本宗也。曲沃，桓叔之封。先公宗廟在焉。猶西周謂之宗。

周。旌章也。伐功也。使俱者。使二五同聲也。廣莫者。翟沙漠之地。下邑曰都。使如爲晉下邑也。

十六年公作二軍。公將上軍。太子將下軍。以伐霍。師未出。士蔿言於諸大夫曰。夫太子君之貳也。恭以俟嗣。何官之有。今君分之土而官之。是左之也。吾將諫以觀之。乃言於公曰。夫太子君之貳也。而帥下軍。無乃不可乎。公曰。下軍上軍之貳也。寡人在上。申生在下。不亦可乎。士蔿對曰。下不可以貳。上公曰。何故。對曰。貳若體焉。上下左右以相心目。用而不倦。身之利也。上貳代舉。下貳代履。周旋變

孫應鑿曰此以體喻繁而不段下以陳喻簡而不晦

及為物用只是不能相使意

動以役心目。故能治事以制百物。若下攝上。與上攝下。周旋不變。以達心目。其反為物用也。何事能治。故古之為軍也。軍有左右。闕從補之。成而不知。是以寡敗。若以下貳上。闕而不變。敗弗能補也。變非聲章。弗能移也。聲章過數。則有釁。有釁則敵入。敵入而凶。救敗不暇。誰能退敵。敵之如志。國之憂也。可以陵小。難以征大。君其圖之。公曰。寡人有子而制焉。非子之憂也。對曰。夫太子國之棟也。棟成乃制之。不亦危乎。公曰。輕其所任。雖危何害。士蔿

出語人曰、大子不得立矣、改其制而不患其難、輕其任而不憂其危、君有異心、又焉得立、行之克也、將以害之、若其不克、其因以臯之、雖克與不_否無所避、臯與其勤而不入、不如逃之、君得其欲、大子遠死、且有令名、爲吳大伯、不亦可乎、大子聞之曰、子輿之爲我謀、忠矣、然吾聞之、爲人子者、患不從、不患無名、爲人臣者、患不勤、不患無祿、今我不才而得勤與從、又何求焉、焉能及吳大伯乎、大子遂行、克霍而反、讒言彌興、

貳猶副也。左之猶外之也。下不可以貳上。猶足不可以貳手。手足左右各自爲貳也。體四支也。相助也。倦勞也。有貳故不勞。上手代更也。下足履步也。以役之役猶爲也。爲物用言與百物器用無以異。軍有左右左右部也。闕缺也。不知敵不知有闕也。聲金鼓也。章旌旗也。移動也。釁隙也。軍法進退旗鼓有數。過數則有隙。敵見隙而犯已矣。凶猶凶凶。恐懼也。輕其所任。謂輕太子之任。不重責也。不入君意也。

優施教驪姬夜半而泣、謂公曰、吾聞申生甚好仁、而彊甚寬惠而慈於民、皆有所行之、今謂君惑於我、必亂國、夫無乃以國故而行彊於君、君未終命而不沒、君其若之何、盍殺我、無以一妾亂百姓、公

優施此教及
來里克俱語
語生動字
刺心

二

向之防

幸注

工務

鑿空出編意
從巧刺音而
務物工階可
怪奇之又壽

曰夫豈惠其民而不惠於其父乎驪姬曰妾亦懼
矣吾聞之外人之言曰為仁與為國不同為仁者
愛親之謂仁為國者利國之謂仁故長民者無親
眾以為親苟眾利而百姓蘇豈能憚君以眾故不
敢愛親眾況厚之彼將惡始而美終以晚蓋者也
凡民利是生殺君而厚利眾眾孰沮之殺親無惡
於人人孰去之苟交利而得寵志行而眾說欲其
甚矣孰不惑焉雖欲愛君惑不釋也今夫以君為
紂若紂有良子而先喪紂無章其惡而厚其敗鈞

千古長古藍
本

之○死○也○無○必○假○手○於○武○王○而○其○世○不○廢○祀○至○於○今
吾○豈○知○紂○之○善○不○哉○君○欲○勿○恤○其○可○乎○若○大○難○至
而○恤○之○其○何○及○矣○公○懼○曰○若○何○而○可○驪○姬○曰○君○盍
老○而○授○之○政○彼○得○政○而○行○其○欲○得○其○所○索○乃○其○釋
君○且○君○其○圖○之○自○桓○叔○以○來○孰○能○愛○親○唯○無○親○故
能○兼○翼○公○曰○不○可○與○政○我○以○武○與○威○是○以○臨○諸○侯
未○沒○而○亡○政○不○可○謂○武○有○子○而○不○勝○不○可○謂○威○我
授○之○政○諸○侯○必○絕○能○絕○於○我○必○能○害○我○失○政○而○害
國○不○可○忍○也○爾○勿○憂○吾○將○圖○之○驪○姬○曰○以○臯○落○翟

國語 晉上

不勝翟必死
於戰雖或不
死濟師而歸
以不勝罪之
亦無不可

繫冬毒切說
文云背縫也

之朝夕苛我邊鄙使無日以牧田野君之倉廩固
不實又恐削封疆君盍使之伐翟以觀其果於衆
也與衆之信輯睦焉若不勝翟雖濟其臯可也若
勝翟則善用衆矣求必益廣乃可厚圖也且夫勝
翟諸侯驚懼吾邊鄙不做倉廩盈四鄰服封疆信
君得其賴又知可不其利多矣君其圖之公說是
故使申生伐東山衣之偏繫之衣佩之金玦僕人
贊聞之曰天子殆哉君賜之奇奇生怪怪生無常
無常不立使之出征先以觀之故告之以離心而

示之以堅忍之權則必惡其心而害其身矣惡其
心必內險之害其身必外危之危自中起難哉且
是衣也狂夫阻之衣也其言曰盡敵而反雖盡敵
其若內讒何申生勝翟而反讒言作於中君子曰
知微

有所行之行之皆有法術也況益也晚後也蓋
掩也沮敗也恤憂也臯落東山翟也苛擾也果
果於用師也輯和也濟度也繫在中左右異故
曰偏玦如環而缺者離心謂偏衣中分堅忍謂
金玦玦以示離也狂夫方相氏之士也阻古詛
字將服是衣必先詛之周禮方相氏黃金四其
玄衣朱裳執干揚盾以驅
疫言謂狂夫祭詛之言

房出之意深
肉倍勝之錯
勝焉

十七年冬公使犬子伐東山里克諫曰臣聞臯落
氏將戰君其釋申生也公曰行也對曰非故也君
行犬子居以監國也君行犬子從以撫軍也今君
居犬子行未有此也公曰非子之所知也寡人聞
之立犬子之道三身鈞以年年同以愛愛疑決之
以卜筮子無謀吾父子之間吾以此觀之公不說
里克退見犬子犬子曰君賜我偏衣金玦何也里
克曰孺子懼乎衣躬之偏而握金玦令不偷矣孺
子何懼夫為人子者懼不孝不懼不得且吾聞之

舊云艾當作
外聲相似誤
也按少艾之

敬賢於請孺子勉之乎君子曰善處父子之間矣
犬子遂行狐突御戎先友為右衣偏衣而佩金玦
出而告先友曰君與我此何也先友曰中分而金
玦之權在此行也孺子勉之狐突歎曰以危衣純
而玦之以金銑者寒甚矣胡可恃也雖勉之敵其
可盡乎先友曰衣躬之偏握兵之要在此行也勉
之而已矣偏躬無慝兵要遠災親以無災又何患
焉至於稷桑翟人出逆申生欲戰狐突諫曰不可
突聞之國君好艾大夫殆好內適子殆社稷危若

艾自可通何
必作外
惠於父二句
喻之令逃也
語妙有致

甚精必愚大
甘必苦名理
確對

國語
惠於父而遠於死。惠於衆而利社稷。其可以圖之乎。況其危身於翟。以起讒於內也。申生日。不可君之使我非歡也。抑欲測吾心也。是故賜我奇服而告我權。又有甘言焉。言之大甘。其中必苦。譖在中矣。君故生心。雖蝎胡刻譖焉。避之不若戰也。不戰而反。我臯滋厚。我戰雖死。猶有令名焉。果戰。敗翟於稷桑而反。讒言益起。狐突杜門不出。君子曰。善深謀。非故。非故事也。身鈞德同。愛疑愛同也。衣躬之偏。言分身之半。以授太子。又令握金玦。金玦。兵要也。偷薄也。君令於太子。不爲薄矣。不得不得立也。賢愈也。言執恭敬。愈於請求也。御戎。御車

也。兵車口戎車。右車右也。緋色曰旆。純。純德。謂太子也。銑。猶灑也。灑灑。寒貌。言於太子無溫潤也。憊。惡也。衣身之半。君無惡意。握兵之勢。欲令太子遠災害。惠順也。去避奚齊。爲順父心而遠於死。傳曰。狐突欲行。是也。惠於衆。謂不戰也。太子去則國不爭。故利社稷。蝎。木蟲也。譖從中起。不能避也。

高注

反自稷桑。處五年。驪姬謂公曰。吾聞申生之謀。愈深。日吾固告君曰。得衆衆弗利焉。能勝翟。今矜翟之善。其志益廣。狐突不順。故不出。吾聞之。申生甚好信而彊。又失言於衆矣。雖欲有退。衆將責焉。言不可食。衆不可弭。是以深謀。君若不圖。難將至矣。

有怨

情景如画

孟一作盂

吾讀如魚

可不謂

此固諺

公曰、吾不忘也、抑未有以致臯焉、驪姬告優施曰、君既許我殺太子而立奚齊矣、吾難里克、奈何、優施曰、吾來里克一日而已、子爲我具特羊之饗、吾以從之飲酒、我優也、言無郵、驪姬許諾、乃具使優施飲里克酒、中飲、優施起舞、謂里克妻曰、主孟、我我教茲、暇豫事君、乃歌曰、暇豫之吾、吾不如鳥、人皆集於苑、已獨集於枯、里克笑曰、何謂苑、何謂枯、優施曰、其母爲夫人、其子爲君、可不謂苑乎、其母既死、其子又有謗、可不謂枯乎、枯且有傷、優

看來申生之
死速於里克
中立之一言
大臣臨大事
如何草

施出里克、辟奠不殮而寢、夜半召優施曰、曩而言戲乎、抑有所聞之乎、曰、然、君既許驪姬殺太子而立奚齊、謀既成矣、里克曰、吾秉君以殺太子、吾不忍、通復故交、吾不敢、中立其免乎、優施曰、免且而里克見丕鄭曰、夫史蘇之言將及矣、優施告我君謀成矣、將立奚齊、丕鄭曰、子謂何、曰、吾對以中立、丕鄭曰、惜也、不如曰不信、以疏之、亦固、太子以攜之多爲之故、以變其志、志少疏、乃可間也、今子曰、中立、況固其謀、彼有成矣、難以得間、里克曰、往言

律通復為第
人家律殺太
字為亦城人
諱字五為伏
齊意俱抄
此便是里克
罪案
左氏叙申生
本未詳盡中
間巧計詐術
皆剔括無遺
使人讀之如
在當日

叔事章法

不可及且人中心唯無忌之何可敗也子將何如
不鄭曰我無心是故事君者君為我心制不在我
里克曰殺君以為廉長廉以驕心因驕以制人家
吾不敢抑撓志以從君為廢人以自利也利方以
求成人吾不能將伏也明日稱疾不朝三旬難乃
成驪姬以君命命申生日今夕君夢見齊姜必速
祠而歸福申生許諾乃祭於曲沃歸福於絳公田
驪姬受福乃寘鴆於酒置董於肉公至召申生獻
公祭之地地墳申生恐而出驪姬與犬肉犬斃飲

辭命

二海

小臣酒亦斃公命殺杜原款申生奔新城杜原款
將死使小臣圍告於申生日款也不才寡知不敏
不能教導以至於死不能深知君之心度棄寵求
廣土而竄伏焉小心狷介不敢行也是以言至而
無所訟之故陷於大難乃逮於讒然款也不敢愛
死唯與讒人均是惡也吾聞君子不去情不反讒
讒行身死可也猶有令名焉死不遷情疆也守情
說父孝也殺身以成志仁也死不忘君敬也孺子
勉之死必遺愛死民之思不亦可乎申生許諾人

謂申生日、非子之臯、何不去乎、申生日、不可去、而
臯釋、必歸於君、是惡君也、章父之惡、而笑諸侯、吾
誰鄉而入、內困於父母、外困於諸侯、是重困也、棄
君去臯、是逃死也、吾聞之、仁不惡君、知不重困、勇
不逃死、若臯不釋、去而必重、去而臯重、不知逃死
而惡君、不仁、有臯不死、無勇、去而厚惡、惡不可重
死、不可避、吾將伏以俟命、驪姬見申生而哭之、曰、
有父忍之、況國人乎、忍父而求好人、人孰好之、殺
父以求利、人人孰利之、皆民之所惡也、難以長生、

辭命

情之深不
待文於困動

未向可若此
著之固有致

驪姬退、申生乃雉、經於新城之廟、將死、乃使猛足
言於狐突曰、申生有臯、不聽伯氏、以至於死、申生
不敢愛其死、雖然、吾君老矣、國家多難、伯氏不出、
奈吾君何、伯氏苟出、而圖吾君、申生受賜、以至於
死、雖死、何悔、是以諡為共君、驪姬既殺太子申生、
又譖二公子曰、重耳夷吾、與知共君之事、公令奄
楚刺重耳、重耳逃於翟、令賈華刺夷吾、夷吾逃於
梁、盡逐羣公子、乃立奚齊焉、始為令、國無公族焉、

失言、許眾以取國也、退、改悔也、弭、止也、凡牲、一
為特、二為牢、郵、過也、大夫之妻稱主、從夫稱也、

孟克妻字。啗。啖也。茲。此。里克也。暇。閒也。豫。樂也。吾吾不敢自親之貌。言里克欲為閒樂事。君之道。反不敢自親。吾吾然其智。曾不如烏烏也。苑。茂木貌。辟。去也。奠。置也。熟食曰殮。曰不信者。逆優施以不然。拒之以不然。則驪姬意疎。不敢必也。固。固持也。攜。離也。固持太子。以離驪姬之黨也。況。益也。忌。忌憚也。廉直也。以太子故。殺君以爲直也。自大其廉。而有驕人之心。因驕以裁制人之父子。不敢爲也。撓。屈也。人謂申生。方道也。利得道以求成。太子。吾力不能爲也。伏。隱也。福。胙肉也。寘。置也。鳩。運日也。董。烏頭也。將飲先祭。示有先也。墳。起也。原。款。申生之傅。新城。曲沃也。度。尺寸也。棄。寵。令太子棄位也。求廣土。奔他國也。言雖知當與申生俱去。恥不能事君而出。故不敢行。言至。讒言也。逮。及也。讒人。驪姬。均同也。不去情。不去忠愛之情。反謂覆校。自申理。死民之思。死而爲民所思也。雉。經。頭。搶。而懸死也。奄。奄士也。楚。伯。楚。寺。人。披之字。於。文。公。時。爲。勃。鞞。

望大猶云望
重
子犯之謀較
拙於冀芮豈
天將以十九
年成重耳之
伯而故亂其
智乎

二十二年、公子重耳出亡、及柏谷、卜適齊楚、狐偃
曰、無卜焉、夫齊楚道遠、而望大、不可以困往、道遠
難通、望大難走、困往多悔、困且多悔、不可以走望、
若以偃之慮、其翟乎、夫翟近晉、而不通、愚陋而多
怨、走之易達、不通、可以竄惡、多怨、可以共憂、今若
休憂於翟、以觀晉國、且以監諸侯之爲、其無不成
乃遂之翟、處一年、公子夷吾亦出奔、曰盍從吾兄
竄於翟乎、冀芮曰、不可、後出同走、不免於臯、且夫
借出借入難、聚居異情惡、不若走梁、梁近於秦、秦

國語 晉上

援於卷切又於元切冀芮之策不為不奇但夷吾非其人所以成而旋敗

親吾君吾君老矣子往驪姬懼必援於秦以吾存也且必告悔告悔是吾免也乃遂之梁居二年驪姬使奄楚以環釋言四年復為君

望大望諸侯朝貢不恤亡公子也走望之望望其力也監視也異情謂各欲求入為君秦穆夫人獻公之女故親晉環玉環環還也釋言以言自解釋也

號公夢在廟有神人面白毛虎爪執鉞立於西阿公懼而走神曰無走帝命曰使晉襲於爾門公拜稽首覺召史嚚占之對曰如君之言則蓐收也天之刑神也天事官成公使囚之且使國人賀夢舟

柳宗元曰舟之僑誠賢者與觀其政可去矣由夢而去則吾笑之瘳是救藥之意於已何瘳言於已之後德無所補救也襲取襲服本文已有兩辭使國人賀夢自認好一邊耳不只是轉吉之意故下云天又誑之

之僑告其諸族曰衆謂號亡不久吾乃今知之君不度而賀大國之襲於已當於襲字句於已何瘳四字句何瘳吾聞之曰大國道小國襲焉曰服小國傲大國襲焉曰誅民疾君之侈也是以遂於逆命今嘉其夢侈必展是天奪之鑒而益其疾民疾其態天又誑之大國來誅出令而逆宗國既卑諸侯遠已內外無親其誰云救之吾不忍俟也將行以其族適晉六年號乃亡

西阿西榮也襲入也蓐收西方白虎金正之官傳曰少皞氏有子曰該為蓐收官成禍福各以官象成也使國人賀夢欲轉吉之故使賀也度揆也瘳猶損也言君不揆度神意而令賀之何

損於禍也。
展申也。

伐虢之役師出於虞宮之奇諫而不聽出謂其子曰虞將亡矣唯忠信者能留外寇而不害除闇以應外謂之忠定身以行事謂之信今君施其所惡於人闇不除矣以賄滅親身不定矣夫國非忠不立非信不固既不忠信而留外寇寇知其釁而歸圖焉已自拔其本矣何以能久吾不去懼及焉以其孥適西山三月虞乃亡

留外寇謂舍晉軍於國除去也去已開昧之心也忠猶恕也定安也

均傳同

尾古尾字
鶉述春切又
常倫切

獻公問於卜偃曰攻虢何月也對曰童謠有之曰丙之晨龍尾伏辰均服振振取虢之旂鶉之賁賁天策焯焯火中成軍虢公其奔火中而且其九月十月之交乎

龍尾尾星辰日月之交會天策尾上一星一名傅說魯僖五年冬周十二月夏十月丙子朔之朝日在尾月在天策伏辰者辰在龍尾隱而未見也均同也戎服君臣同也振振威武貌鶉鶉火鳥星火即鶉火也中晨中也成軍軍有成功也

蔡丘之會獻公將如會遇宰周公曰君可無會也夫齊侯好示務施與力而不務德故輕致諸侯而

鎮或作填經
史通用

責當音債

凍音速又光
侯切澮古外
切

重遣之使至者勸而畔者慕懷之以典言薄其要
結而厚德之以示之信三屬諸侯存亡國三以示
之施是以北伐山戎南伐楚西爲此會也譬之如
室既鎮其薨矣又何加焉吾聞之惠難徧也施難
報也不徧不報卒於怨讎夫齊侯將施惠如出責
是之不果奉而暇晉是皇雖後之會將在東矣君
無懼焉其有勤也公乃還宰孔謂其御曰晉侯將
死矣景霍以爲城而汾河凍澮以爲淵戎翟之民
實環之汪是土也苟違其違誰能懼之今晉侯不

量齊德之豐否不度諸侯之勢釋其閉修而輕於
行道失其心矣君子失心鮮不夭昏是歲也獻公
卒八年爲淮之會桓公在殯宋人伐之

魯僖九年齊桓公盟諸侯于葵丘周公自會先
歸遇獻公於道好示自矜其功施惠也力功也
輕謂垂橐而入重謂捆載而歸典法也屬會也
薨棟也又何加喻已成也如出責望其報也果
克也奉承也暇不暇言不暇以晉爲務東東方
也其後會於淮是也有勤有勤勞也景大也大
霍山名汪大貌苟違違去也其違
違道也釋舍也閉守也修治也

二十六年獻公卒里克將殺奚齊先告荀息曰三
公子之徒將殺孺子子將如何荀息曰死吾君而

孔父仇牧是
二子類耶曰
不賴曰不類
則如春秋何
曰春秋之類
也以激不能
死者耳孔子
曰與其進也
不與其退也
春秋之罪許
止也隱忍焉
耳其類前息
也亦綴皆非
聖人之情也
枉許止以懲
不子之禍進
前息以甚焉
免之惡惡之
也

殺其孤。吾有死而已。吾蔑從之矣。里克曰：子死，孺子立死，不亦可乎？子死，孺子廢焉，用死哉？荀息曰：昔君問臣事君於我，我對以忠貞。君曰：何謂也？我對曰：可以利公室，力有所能，無不為忠也。葬死者，養生者，死人復生，不悔生人，不愧貞也。吾言既往矣，豈能欲行吾言而又愛吾身乎？雖死焉，辟之里克告，丕鄭曰：三公子之徒將殺孺子，子將何如？丕鄭曰：荀息謂何？對曰：荀息曰：死之，丕鄭曰：子勉之。夫二國士之所圖，無不遂也。我為子行之，子帥七

音節三辭

所以妙為莊
錯綜其句甚
練之至
八句作一氣
下甚動有勢

與大夫以待我，我使翟以動之，援秦以搖之，立其薄者，可以得重賂，厚者可使無入，國誰之國也？里克曰：不可，克聞之，夫義者利之足也，貪者怨之本也，廢義則利不立，厚貪則怨生，夫孺子豈獲臯於民將以驪姬之惑，蠱君而誣國人，讒羣公子而奪之利，使君迷亂，信而亡之，殺無辜以為諸侯笑，使百姓莫不有藏惡於其心中，恐其如壅大川潰而不可救禦也，是故將殺奚齊而立公子之在外者，以定民弭憂於諸侯，且為援，庶幾曰：諸侯義而撫

國語 晉上

鉢音述說文
云基鉢也是
鉢將線引之

之百姓欣而奉之國可以固今殺君而賴其富貪
且反義貪則民怨反義則富不為賴賴富而民怨
亂國而身殆懼為諸侯載不可常也不鄭許諾於
是殺奚齊卓子及驪姬而請君於秦既殺奚齊荀
息將死之人曰不如立其弟而輔之荀息立卓子
里克又殺卓子荀息死之君子曰不食其言矣既
殺奚齊卓子里克及丕鄭使屠岸夷告公子重耳
於翟曰國亂民擾得國在亂治民在擾子盍入乎
吾請為子鉢重耳告舅犯曰里克欲納我舅犯曰

意注導也界
得其樂未盡
此語妙處
讀宜從平聲
讀善與下殆
字對

不可夫堅樹在始始不固本終必槁落夫長國者
唯知哀樂喜怒之節是以導民不哀喪而求國難
因亂以入殆以喪得國則必樂喪樂喪必哀生因
亂以入則必喜亂喜亂必怠德是哀樂喜怒之節
易也何以導民民不我導誰長重耳曰非喪誰代
非亂誰納我舅犯曰偃也聞之喪亂有大大喪
大亂之刻也不可犯也父母死為大喪讒在兄弟
為大亂今適當之是故難公子重耳出見使者曰
子惠顧亡人重耳父生不得供備灑埽之臣死又

不敢泣喪以重其臯且辱大夫敢辭夫固國者在
親衆而善鄰在因民而順之苟衆所利鄰國之所
立大夫其從之重耳不敢違呂甥及卻稱亦使蒲
城午告公子夷吾於梁曰子厚賂秦人以求入吾
主子夷吾告冀芮曰呂甥欲納我冀芮曰子勉之
國亂民擾大夫無常不可失也非亂何入非危何
安幸苟君之子唯其索之方亂以擾孰適禦我大
夫無常苟衆所置孰能勿從子盍盡國以賂外內
無愛虛以求入既入而後圖聚公子夷吾出見使

始命

者再拜稽首許諾呂甥出告大夫曰君死自立則
不敢久則恐諸侯之謀徑召君於外也則民各有
心恐厚亂盍請君於秦乎大夫許諾乃使梁由靡
告於秦穆公曰天降禍於晉國讒言繁興延及寡
君使寡君之紹續昆裔隱悼播越託在草莽未有
所依又重之以寡君之不祿喪亂並臻以君之靈
鬼神降衷臯人克伏其辜羣臣莫敢寧處將待君
命君若惠顧社稷不忘先君之好辱收其逋遷裔
冑而建立之以主其祭祀且填撫其國家及其民

填或作鎮音

召一作告
誰使先指遣
使言下子明
曰君使繫也
也若說文擇
也從州石
亦字也
陽與墜同
擇君而立於
立者為有恩
可以朝夕取
緩急為與國
耳注誤

人雖四鄰諸侯之聞之也其誰不傲懼於君之威而欣喜於君之德終君之重愛受君之重況而羣臣受其大德晉國其誰非君之羣隸臣也秦穆公許諾反使者乃召大夫子明及公孫枝曰夫晉國之亂吾誰使先若夫二公子而立之以為朝夕之急大夫子明曰君使繫也繫敏且知禮敬以知微敏能竄謀知禮可使敬不隊命微知可不君其使之乃使公子繫弔公子重耳於翟曰寡君使繫弔公子之憂又重之以喪寡人聞之得國常於喪失

辭命

國常於喪時不可失喪不可久公子其圖之重耳告舅犯舅犯曰不可亡人無親信仁以為親是故置之者不殆父死在堂而求利人孰仁我人實有之我以微幸人孰信我不仁不信將何以長利公子重耳出見使者曰君惠弔亡臣又重有命重耳身亡父死不得與於哭泣之位又何敢有它志以辱君義再拜不稽首起而哭退而不私公子繫退弔公子夷吾於梁如弔公子重耳之命夷吾告冀芮曰秦人勤我矣冀芮曰公子勉之亡人無狷潔

德同而所取
此配字是正
敵意言有也
賜可以當德
也

善言晉即秦
之柳也

猶○潔○不○行○重○賂○配○德○公○子○盡○之○無○愛○財○人○實○有○之○
我○以○微○幸○不○亦○可○乎○公○子○夷○吾○出○見○使○者○再○拜○稽○
首○起○而○不○哭○退○而○私○於○公○子○繫○曰○中○大○夫○里○克○與○
我○矣○吾○命○之○以○汾○陽○之○田○百○萬○嬖○大○夫○丕○鄭○與○我○
矣○吾○命○之○以○負○葵○之○田○七○十○萬○君○苟○輔○我○蔑○天○命○
矣○吾○必○遂○矣○亡○人○苟○入○埽○除○宗○廟○定○社○稷○亡○人○何○
國○之○與○有○君○實○有○郡○縣○且○入○河○外○列○城○五○豈○謂○君○
無○有○亦○為○君○之○東○游○津○梁○之○上○無○有○難○急○也○亡○人○
之○所○懷○挾○嬰○瓌○以○望○君○之○塵○垢○者○黃○金○四○十○鎰○白○

玉○之○珩○六○雙○不○敢○當○公○子○請○納○之○左○右○公○子○繫○反○
致○命○穆○公○穆○公○曰○吾○與○公○子○重○耳○重○耳○仁○再○拜○不○
稽○首○不○沒○為○後○也○起○而○哭○愛○其○父○也○退○而○不○私○不○
沒○於○利○也○公○子○繫○曰○君○之○言○過○矣○君○若○求○置○晉○君○
而○載○之○置○仁○不○亦○可○乎○君○若○求○置○晉○君○以○成○名○於○
天○下○則○不○如○置○不○仁○以○滑○其○中○且○可○以○進○退○臣○聞○
之○仁○有○置○武○有○置○仁○置○德○武○置○服○是○故○先○置○公○子○
夷○吾○是○為○惠○公○

死吾君死畜吾君也。得其所任。故曰不悔。七輿申生下軍大夫也。結秦翟之援。以立二公子。恩

薄者。可以得重賂。於已厚者。可使二公子不得入立。國誰之國。言晉可專也。信而亡之。信姬之言。使皆奔亡也。載載見於書。為後戒也。鉢導也。剡鋒也。主子為子內主也。無常無常心也。外謂諸侯。內謂大夫。虛虛國藏也。聚畜聚也。徑召君於外。恐受賂。徑自召他公子也。罪人。驪姬。誰使先當先立誰也。若夫之若之也。使之二公子。擇所立也。以為朝夕之急。言晉無君。朝夕之急也。竄微也。置立也。殆危也。重賂配德。以重賂配已之德也。蔑無也。言無復天命。在秦而已。君實有郡縣。言君亦自有郡縣。非謂之無也。河外。河東也。嬰。馬纓。環。馬帶。言塵垢不敢當盛也。珩。珮上飾。形似磬而小。沒。貪也。載。成也。成名。成威名也。滑。亂也。仁。置有德。武。置服從。

穆公問冀芮曰。公子誰恃於晉。對曰。臣聞之。亡人無黨。有黨必有讎。夷吾之少也。不好弄戲。不過所

復怒不及色。及其長也。弗改。是故出亡無惡於國。而眾安之。不然。夷吾不佞。其誰能恃乎。君子曰。善以微勸。

惠公入而背。內外之賂。輿人誦之。曰。佞之見佞。果喪其田。詐之見詐。果喪其賂。得國而狃。終逢其咎。喪田不懲。禍亂其興。既里丕死。禍公隕於韓。郭偃曰。善哉。夫眾口。禍福之門也。是以君子省眾而動。監戒而謀。謀度而行。故無不濟。內謀外度。考省不倦。日考而習。戒備畢矣。

凡省察省視
之省悉并切
景切

外謂秦。內里不也。與衆也。不歌曰誦。偽善為佞。佞謂里不。受惠公賂田而納之。見佞謂惠公入而不予也。詐謂秦以詐立惠公。不置德而置服。見詐謂惠公入而背之。徂快也。咎謂敗於韓。喪田不懲言不鄭不得田。不懲艾復欲與秦共納重耳。惠公殺之。禍貪慝之禍也。

惠公即位出共世子而改葬之。臭達於外國人誦之曰貞之無報也。孰是人斯而有是臭也。貞為不聽信為不誠國。斯無刑。媮居幸生不更厥貞大命其傾威兮懷兮各聚爾有以待所歸兮猗兮違兮心之哀兮歲之二七其靡有微兮若翟公子吾是之依兮鎮撫國家為王妃兮郭偃曰甚哉善之難

妃滂佩切與配同

此等議論亦是一見解美指重耳惡指惠公但不可直斥故曰惡亦如之

也君改葬共君以為榮也而惡滋章夫人美於中必播於外而越於民民實戴之惡亦如之故行不可不慎也必或知之十四年君之冢嗣其替乎其數告於民矣公子重耳其入乎其鬼兆於民矣若入必伯霸諸侯以見天子其光耿於民矣數言之紀也鬼意之術也光明之耀也紀言以敘之述意以導之明耀以炤之不至何待欲先導者行乎將至矣

耿古迥切又居永切俱訓光其耿之耿古幸切非此義

其世子申生臭達於外不欲為無禮者所葬也。貞正也。謂惠公欲以正禮改葬世子而不獲吉

報也。或云。貞。謂申生。則與下相違。似非。貞為不聽。以正葬之。而不見聽也。信為不誠。信心行之。不見誠也。刑法也。不更厥貞。不變更其正也。威畏也。懷思也。言國人畏惠公。思重耳也。爾有所有也。猗歎也。違去也。民心欲去其上。安土重遷。故心哀之。靡無也。無有微者亦亡。謂子圉也。妃配也。言重耳當霸諸侯。為王妃偶。難難為也。越揚也。魄形也。兆見也。耿猶炤也。意民之志。術道也。魄兆見而民志隨之。先導。謂重耳導引者。可行也。

惠公既殺里克而悔之曰。芮也使寡人過殺我社稷之鎮郭偃聞之曰。不謀而諫者冀芮也。不圖而殺者君也。不謀而諫。不忠。不圖而殺。不祥。不忠。受君之罰。不祥。罹天之禍。受君之罰。死戮。罹天之禍。

無後志道者勿忘。將及矣。及文公入秦。人殺冀芮而施之。

志識也。勿忘。勿忘此占。言禍將至也。冀芮既納文公而悔。將殺之。文公知之。潛會秦伯於王城。冀芮焚公宮。求公不得。遂如河上。秦伯誘而殺之。陳尸曰施。

惠公即位。乃背秦賂。使丕鄭聘於秦。且謝之。而殺里克。曰。子殺二君。與一大夫。為子君者。不亦難乎。丕鄭如秦。謝緩賂。乃謂穆公曰。君厚問。以召呂甥。卻稱冀芮而止之。以師奉公子重耳。臣之屬內作。晉君必出。穆公使泠零至報問。且召三大夫。鄭也與。

客將事、冀芮曰、鄭之使薄而報厚、其言我於秦也、必使誘我、弗殺、必作難、是故殺丕鄭及七與大夫、共華賈華叔堅、道騅、道纍虎、特宮、山祁、皆里丕之黨也、丕豹出奔秦、丕鄭之自秦反也、而聞里克死、見共華曰、可以入乎、共華曰、二三子皆在而不及、子使於秦、可哉、向注丕鄭入君殺之、共賜謂共華曰、子行乎、其及也、向注共華曰、夫子之入吾謀也、將待及、賜曰、孰知之、共華曰、不可、知而背之、不信、謀而困人、不知、困而不死、無勇、任大惡、三行將安入、子其行矣、

丕鄭之子以下宜自為一章丕豹奔秦上已見矣不應一章兩叙

禍唯無難句恐有誤注強解終不只處即上處者其黨半國也言力足以出君者已為君所忌不能復處其能處於國中者必力不足以出君者耳此勝敗之幾也况豹將避禍不暇安能出君乎

我姑待死、丕鄭之子曰豹、出奔秦、謂穆公曰、晉君大失其衆、背君賂殺里克、而忌處者、衆固不說、今又殺臣之父及七與大夫、此其黨半國矣、君若伐之、其君必出、穆公曰、失衆安能殺人、且夫禍唯無斃足者、不處處者不足、向注勝敗若化、以禍為違、孰能出君、爾俟我、

問遺也。客冷至也。將事行聘事也。斃死也。禍唯無斃言罪不至死。則不為亂。處處國也。罪足以死。則不處國。處國者不足以死矣。化言轉化無常也。猶丕鄭欲殺君。君反殺之也。違去也。謂丕豹以禍故去其國。誰能出君乎。

慶吉薦字

當於不說句
其若十字為
句若以舊注
作不悅惠公
下文與之以
說其眾便離
不通

晉饑乞糴於秦。丕豹曰：晉君無禮於君，眾莫不知。往年有難，今又荐饑，已失人，又失天，其殃也多矣。○大○倫○君其伐之，勿予糴。公曰：寡人其君是惡，其民何辜。天殃流行，國家代有，補乏薦饑，道也不可以廢。道於天下，謂公孫枝曰：予之乎？公孫枝曰：君有施於晉君，晉君無施於其眾，今旱而聽於君，其天道也。君若弗予，而天子之苟眾不說，其君之不報也，則有辭矣。不如予之，以說其眾。眾說，必咎其君。其君不聽，然後誅焉。雖欲禦我，誰與？是故汎舟於河，歸

孫或為遜

糴於晉。秦饑，公令河上輸之粟。虢射曰：弗予，賂地而予之，糴無損於怨，而厚於寇，不若勿予。公曰：然。慶鄭曰：不可。已賴其地，而又愛其實，忘善而背德。雖我必擊之，弗予必擊我。公曰：非鄭之所知也。遂不予。六年，秦歲定，帥師侵晉。至於韓，公謂慶鄭曰：秦寇深矣，奈何？慶鄭曰：君深其怨，能淺其寇乎？非鄭之所知也。君其訊射也。公曰：舅所病也。卜，右慶鄭吉。公曰：鄭也不孫，以家僕徒為右，步揚御戎，梁由靡御，韓簡、虢射為右，以承公。公禦秦師，令韓簡

不若內傳之
勃隋

寡命

七家人字
在後以見
怨

寡命

視師曰師少於我鬪士衆公曰何故簡曰以君之
出也處已入也煩已饑食其糴三施而無報故來
今又擊之秦莫不愠晉莫不怠鬪士是故衆公曰
然我今不擊歸必狃一夫不可狃况國乎公令韓
簡挑戰曰昔君之惠寡人未之敢忘寡人有衆能
合之弗能離也君若還寡人之願也君若不還寡
人將無所避穆公衡雕戈出見使者曰昔君之未
入寡人之憂也君入而列未成寡人未敢忘今君
既定而列成君其整列寡人將身見客還公孫枝

辭音攝或為
掉又一入切

進諫曰昔君之不納公子重耳而納晉君是君之
不置德而置服也置而不遂擊而不勝其若爲諸
侯笑何君盍待之乎穆公曰然昔吾之不納公子
重耳而納晉君是不置德而置服也然公子重耳
實不肯吾又奚言哉殺其內主背其外賂彼塞我
施若無天乎云若有天吾必勝之君輯大夫就車
君鼓而進之晉師潰戎馬濟而止公號慶鄭曰載
我慶鄭曰忘善而背德又廢吉卜何我之載鄭之
車不足以辱君避也梁由靡御韓簡輅秦公將止

國語 晉上

謀計

入善謀語
可效

雖激氣非但
意善亦前雅
我必擊之句
注

之慶鄭曰釋來救君亦不克救遂止於秦穆公歸
至於王城合大夫而謀曰殺晉君與逐出之與以
歸與復之孰利公子縶曰殺之利逐之恐構諸侯
以歸則國家多慝復之則君臣合作恐為君憂不
若殺之公孫枝曰不可恥大國之士於中原又殺
其君以重之子思報父之讎臣思報君之讎雖微
秦國天下孰不患公子縶曰吾豈將徒殺之吾將
以公子重耳代之晉君之無道莫不聞公子重耳
之仁莫不知戰勝大國武也殺無道而立有道仁

也勝無後害知也公孫枝曰恥一國之士又曰余
納有道以臨汝無乃不可乎若不可必為諸侯笑
戰而笑諸侯不可謂武殺其弟而立其兄兄德我
而忘其親不可謂仁若勿忘是再施而不遂也不
可謂知君曰然則若何公孫枝曰不若以歸以要
晉國之成復其君而質其適子使子父代處秦國
可以無害是故歸惠公而質子圉秦始知河東之
政

仍饑日荐麋進也賴羸也實穀也雖我必擊之
言我當秦處亦必擊晉也訊問也病短也諸侯

謂異姓大夫曰舅。卜右卜公戎車之右。承次也。次公車也。已秦也。處已謂在梁依秦。煩已謂為秦所立。狃怙也。不擊而歸。秦必狃怙而輕我也。內主謂里丕也。淳深泥也。故戎馬陷焉。號呼也。輅迎也。釋舍也。將止遂止之止獲也。慝惡也。恐知國家間隙之惡也。要結也。成平也。秦始取河東之地而置官司。故知河東之政。

內傳勿滿

公在秦三月。聞秦將成。乃使卻乞告呂甥。呂甥教之言。令國人於朝曰。君使乞告二三子曰。秦將歸寡人。寡人不足以辱社稷。二三子其改置以代圉也。且賞以說。衆衆皆哭焉。作轅田。呂甥致衆而告之曰。吾君慙焉。其亡之不恤。而羣臣是憂。不亦惠

內傳作爰

乎。君猶在外。若何。衆曰。何為而可。呂甥曰。以韓之病。兵甲盡矣。若征繕以輔孺子。以為君援。雖四鄰之聞之也。喪君有君。羣臣輯睦。兵甲益多。好我者勸。惡我者懼。庶有益乎。衆皆說焉。作州兵。呂甥逆君於秦。穆公訊之曰。晉國蘇乎。對曰。不蘇。公曰。何故。對曰。其小人不念其君之臯。而悼其父兄子弟之死。喪者不憚征繕。以立孺子。曰。必報吾讎。寧事齊楚。齊楚又交輔之。其君子思其君。且知其臯曰。必事秦。有死無它。故不蘇。比其蘇之而來。故久公

曰而無來吾固將歸君國謂君何對曰小人曰不免君子則不公曰何故對曰小人忌而不思願從其君而與報秦是故云其君子不曰吾君之入也君之惠也能納之則能執之能執之則能釋之德莫厚焉惠莫大焉納而不遂廢而不起以德為怨君其不然秦君曰然乃改館晉君饋七牢焉

改置以代圍令更立它公子以代子圍父子避位以感動羣下轅易也為易田之法賞眾以田易疆界也唐云讓肥取堯也征賦也二千五百家為州使州長各帥其屬繕兵甲也忌怨也初秦伯拘晉侯於靈臺將復之故更舍於客館牛羊豕為一牢鬯餼七牢侯伯之禮

蛾牛何切又魚奇切

勸其去

為注

兩侍

凶甚罪

降繼是取唇之義不應一字作兩解

公未至蛾督謂慶鄭曰君之止子之臯也今君將來子何俟慶鄭曰鄭也聞之曰軍敗死之將止死之二者不行又重之以誤人而喪其君有大臯三將安適君若來將待刑以快君志君若不來將獨伐秦不得君必死之此所待也臣得其志而使君費是犯也君行犯猶失其國而況臣乎公至於絳郊聞慶鄭止使家僕徒召之曰鄭也有臯猶在乎慶鄭曰臣怨君始入而報德不降降而聽諫不戰戰而用良不敗既敗而誅又失有臯不可以封國

以待刑

以自殺

請赦

明赦之非

似謂行刺

令身自殺

請令自殺

臣是以待刑以成君政。君曰：刑之慶。鄭曰：下有直言，臣之行也。上有直刑，君之明也。臣行君明，國之利也。君雖弗刑，必自殺也。蛾析諫曰：臣聞之，奔刑之臣，不若教之以報讎。君盍赦之以報於秦。梁由靡曰：不可。我能行之。秦豈不能。且戰不勝而報之以賊，不武。出戰不克，入處不安，不知成而反之，不信。失刑亂政，不威。出不能用，入不能治，敗國且殺孺子，不若刑之。君曰：斬鄭，無使自殺。家僕徒曰：有君不忌，有臣死刑。其間賢於刑之。梁由靡曰：夫

明令自殺之非

加以死罪

不失自殺意

君政刑是以治民，不聞命而擅進退，犯政也。快意喪君，犯刑也。鄭也。賊而亂國，不可失也。且戰而自退，退而自殺，臣得其志，君失其刑，後不可用也。君命司馬說刑之，司馬說進三軍之士而數慶。鄭曰：夫韓之誓曰：失次犯令，死將止，不面夷，死偽言誤衆死。今鄭失次犯令，而臯一也。鄭擅進退，而臯二也。女誤梁由靡，使失秦公，而臯三也。君親止女，不面夷，而臯四也。鄭也就刑，慶鄭曰：說三軍之士，皆在有人能坐待刑而不能面夷，趣行事乎。丁丑斬

慶鄭乃入絳十五年惠公卒懷公立秦乃召重耳於楚而納之晉人殺懷公於高粱而授重耳實爲文公

正似行脚
和子恭備道
場始透西來
大意却不知
會得力在那一

誤人誤梁由靡令君見獲也曹慙也犯犯逆也
不降不自降下而背秦也降而聽諫不戰言慶
鄭諫公使與秦糴若公降心聽之可以不戰矣
良善也卜右慶鄭吉是也奔趨也入處不安謂
今復欲伐秦不得安也孺子子圍也秦復惠公
而質子圍今若伐秦秦必殺之矣思怨也次行
列也將帥也止獲也夷傷也趣行事趣司馬行
其刑也懷公子圍魯僖二十二年自秦逃歸
文公在翟十二年狐偃曰日吾來此也非以翟爲
榮可以成事也吾曰奔而易達困而有資休以擇

蓄許六切又
勅六切

利可以戾也今戾久矣戾久將底底箸滯淫誰能
興之盍速行乎吾不適齊楚避其遠也蓄力一紀
可以遠矣齊侯長矣而欲親晉管仲沒矣多讒在
側謀而無正衷而思始夫必追擇前言求善以終
厭邇逐遠遠人入服不爲郵矣會其季年可也茲
可以親皆以爲然乃行過五鹿乞食於野人野人
舉塊以與之公子怒將鞭之子犯曰天賜也民以
土服又何求焉天事必象十有二年必獲此土三
三子志之歲在壽星及鶉尾其有此土乎天以命

矣復於壽星必獲諸侯天之道也由是始之有此
其以戊申乎所以申土也再拜稽首受而載之遂
適齊齊侯妻之甚善焉有馬二十乘將死於齊而
已矣曰民生安樂誰知其它桓公卒孝公即位諸
侯畔齊子犯知齊之不可以動而知文公之安齊
而有終焉之志也欲行而患之與從者謀於桑下
蠶妾在焉莫知其在也妾告姜氏姜氏殺之而言
於公子曰從者將以子行其聞之者吾已除之矣
子必從之不可以貳貳無成命詩云上帝臨女無

幸所中切詩
作駢

貳爾心先王其知之矣貳將可乎子去晉難而極
於此自子之行晉無寧歲民無成君天未喪晉無
異公子有晉國者非子而誰子其勉之上帝臨子
矣貳必有咎公子曰吾不動矣必死於此姜曰不
然周詩曰莘莘征夫每懷靡及夙夜征行不遑啓
處猶懼無及況其順身縱欲懷安將何及矣人不
求及其能及乎日月不處人誰獲安西方之書有
之曰懷與安實疚大事鄭詩云仲可懷也人之多
言亦可畏也昔管敬仲有言小妾聞之曰畏威如

中之仲切又
如字

章法

一語足矣

疾民之上也。從懷如流。民之下也。見懷思威。民之
中也。畏威如疾。乃能威民。威在民上。弗畏有刑。從
懷如流。去威遠矣。故謂之下。其在辟也。吾從中也。
鄭詩之言。吾其從之。此大夫管仲之所以紀綱齊
國。禪輔先君而成霸者也。子而棄之。不亦難乎。齊
國之政。敗矣。晉之無道久矣。從者之謀忠矣。時日
及矣。公子巨表幾矣。君國可以濟百姓而釋之者。非人
也。敗不可處。時不可失。忠不可棄。懷不可從。子必
速行。吾聞晉之始封也。歲在大火。闕伯之星也。實

厭或作饜

紀商人。商之饜國三十一王。瞽史之記曰。唐叔之
世。將如商數。今未半也。亂不長。世公子唯子。子必
有晉。若何懷安。公子弗聽。姜與子犯謀。醉而載之。
以行。醒以戈逐子。犯曰。若無所濟。吾食舅氏之肉。
其知厭乎。舅犯走。且對曰。若無所濟。余未知死所。
誰能與豺狼爭食。若克有成。公子無亦晉之柔嘉。
是以甘食。偃之肉腥臊。將焉用之。遂行。過衛。衛文
公有邢翟之虞。不能禮焉。甯莊子言於公曰。夫禮
國之紀也。親民之結也。善德之建也。國無紀。不可

昭音詔李涪
說本如字為
漢諱改音詔
說文昭穆之
昭作召亦音
詔

以終民無結不可以固德無建不可以立此三者
君之所慎也今君棄之無乃不可乎晉公子善人
也而衛親也君不禮焉棄三德矣臣故云君其圖
之康叔文之昭也唐叔武之穆也周之大功在武
天胙將在武族苟姬未絕周室而俾守天聚者必
武族也武族唯晉實昌晉胤公子實德晉仍無道
天胙有德晉之守祀必公子也若復而修其德鎮
撫其民必獲諸侯以討無禮君弗蚤圖衛而在討
小人是懼敢不盡心公弗聽自衛過曹曹共公亦

辭步田切內
傳作駢
羈內傳作羈
古通用

與管說大略
同而章法稍
錯可以校文
之

不禮焉聞其辭脅欲觀其狀止其舍謀其將浴設
微薄而觀之僖負羈之妻言於負羈曰吾觀晉公
子賢人也其從者皆國相也以相一人必得晉國
得晉國而討無禮曹其首誅也子盍蚤自貳焉僖
負羈餽殮寘壁焉公子受殮反壁負羈言於曹伯
曰夫晉公子在此君之匹也君不亦禮焉曹伯曰
諸侯之亡公子其多矣誰不過此亡者皆無禮者
也余焉能盡禮焉對曰臣聞之愛親明賢政之榦
也禮賓矜窮禮之宗也禮以紀政國之常也失常

不立君所知也。國君無親，國以為親。先君叔振，出自文王。晉祖唐叔，出自武王。文武之功，實建諸姬。故二王之嗣，世不廢親。今君棄之，是不愛親也。晉公子生十七年而亡，卿材三人從之，可謂賢矣。而君蔑之，是不明賢也。晉公子之亡，不可不憐也。比之賓客，不可不禮也。失此二者，是不禮賓，不憐窮也。守天之聚，將施於宜，宜而不施，聚必有闕。玉帛酒食，猶糞土也。愛糞土以毀三常，失位而闕聚，是不難。無乃不可乎？君其圖之。公弗聽。公子過宋。

勿出遠調且
合二為一
是歷太排

待波

但說三士

氏一作風

與司馬公孫固相善。公孫固言於襄公曰：晉公子亡長幼矣，而好善不厭，父事狐偃，師事趙衰，而長事賈它，狐偃其舅也，而惠以有謀；趙衰其先君之戎御，趙氏之弟也，而文以忠貞；賈它公族也，而多識以恭敬。此三人者，實左右之。公子居則下之，動則咨焉。成幼而不倦，殆有禮矣。樹於有禮，必有艾。商頌曰：湯降不遲，聖敬日躋，降有禮之謂也。君其圖之。襄公從之，贈以馬二十乘。公子過鄭，鄭文公亦不禮焉。叔詹諫曰：臣聞之，親有天用，前訓禮兄。

首天約不出
算信而法又
猶後

僞通作俊

弟資窮困、天所福也。今晉公子有三胙焉。天將啓
之、同姓不婚、惡不殖也。狐氏出自唐叔、狐姬伯行
之子也。實生重耳。成而僞才、離違而得所。久約而
無釁、一也。同出九人、唯重耳在、離外之患、而晉國
不靖、二也。晉侯日載其怨、外內棄之、重耳日載其
德、狐趙謀之、三也。在周頌曰：天作高山、大王荒之、
荒大之也。大天所作、可謂親有天矣。晉鄭兄弟也、
吾先君武公與晉文侯勦力一心、股肱周室、夾輔
平王。平王勞而德之、而賜之盟質、曰：世相起也。若

遷軫即轍環
之謂又易子
犯語

魏鞅之言曰
既不能以其
言用我亦安
能以其言殺
我鄭楚之君
之謂矣

親有天、獲三胙者、可謂大天。若用前訓、文侯之功、
武公之業、可謂前訓。若禮兄弟、晉鄭之親、王之遺
命、可謂兄弟。若資窮困、亡在長幼、還軫諸侯、可謂
窮困。棄此四者、以徼天禍、無乃不可乎。君其圖之。
弗聽。叔詹曰：若不禮焉、則請殺之。諺曰：黍稷無成、
不能為榮。黍不為黍、不能蕃。庶稷不為稷、不能蕃。
殖所生不疑、唯德之基。公弗聽。遂如楚。楚成王以
周禮享之。九獻庭實旅百。公子欲辭。子犯曰：天命
也。君其饗之。亡人而國薦之、非敵而君設之、非天

多命

數語雖雄不
忌楚有人乎
其脫虎口幸
耳

誰啓之心既饗楚子問於公子曰子若克復晉國
何以報我公子再拜稽首對曰子女玉帛則君有
之羽旄齒革則君地生焉其波及晉國者君之餘
也又何以報王曰雖然不穀願聞之對曰若以君
之靈得復晉國晉楚治兵會於中原其避君三舍
若不獲命其左執鞭弭右屬橐鞬以與君周旋令
尹子玉曰請殺晉公子弗殺而反晉國必懼楚師
王曰不可楚師之懼我不修也我之不德殺之何
為天之胙楚誰能懼之楚不可胙冀州之士其無

匝音移又演
爾切

章法氣命

謂非侯滕則
多由故

令君乎且晉公子敏而有文約而不諂三才傳之
天胙之矣天之所興誰能禦之子玉曰則請止狐
偃王曰不可曹詩曰彼已之子不遂其媾郵之也
夫郵而效之郵又甚焉效郵非義也於是懷公自
秦逃歸秦伯召公子於楚楚子厚幣以送公子於
秦秦伯歸女五人懷嬴與焉公子使奉匭沃盥既
而揮之嬴怒曰秦晉匹也何以卑我公子懼降服
囚命秦伯見公子曰寡人之適此為才子圍之辱
備嬪嬙焉欲以成婚而懼離其惡名非此則無故

此時懷公未死何以預稱懷贏殆歸文公納帶親迎已正夫人之號及其死也蓋曰辰贏矣史何以猶存舊君之稱乎乃知晉史之道不但董狐

信或為釐

蟠其驕切又居表切

濟當作擠子計切炎帝德衰黃帝代興正是相濟下文以濟大事取此義也不必改作擠

左其義且緊末一語陸析破的劫有效亦是一法

不敢以禮致之、歡之、故也。公子有辱寡人之辜、唯命是聽。公子欲辭、司空季子曰：同姓為兄弟、黃帝之子二十五人、其同姓者二人而已。唯青陽與夷鼓、皆為巳姓、青陽方雷氏之甥也。夷鼓彤魚氏之甥也。其同生而異姓者四母之子、別為十二姓。凡黃帝之子二十五宗、其得姓者十四人、為十二姓。姬、酉、祈、巳、滕、葳、之林霖任、荀、僖、音喜旋媯、依、是也。唯青陽與倉林氏同於黃帝、故皆為姬姓。同德之難也。如是、昔少典取於有蟠氏、生黃帝、炎帝、黃帝以姬水成、炎

帝以姜水成、成而異德、故黃帝為姬、炎帝為姜。二帝用師以相濟也。異德之故也。異姓則異德、異德則異類、異類雖近、男女相及以生民也。同姓則同德、同德則同心、同心則同志、同志雖遠、男女不相及、畏黷敬也。黷則生怨、怨亂毓災、災毓滅姓。是故取妻避其同姓、畏亂災也。故異德合姓、同德合義、義以道利、利以阜姓、姓利相更、成而不遷、乃能攝固、保其土房。今子於子圍、向治道路之人也、取其所棄、以濟大事、不亦可乎。公子謂子犯曰：何如。對曰：將

齊桓好內女
公子不嫁者
七人秦揚晉
文以懷贏接
好三伯如此
何讓乎楚王
之妻媼也

舊云勝當為
精亦無為

奪其國何有於妻唯秦所命從也謂子餘曰何如
對曰禮志有之曰將有請於人必先有入焉欲人
之愛已也必先愛人欲人之從已也必先從人無
德於人而求用於人舉也今將婚媾以從秦受好
以愛之聽從以德之懼其未可也又何疑焉乃歸
女而納幣且逆之他日秦伯將饗公子公子使子
犯從子犯曰吾不如衰之文也請使衰從乃使子
餘從秦伯饗公子如饗國君之禮子餘相如賓卒
事秦伯謂其大夫曰為禮而不終恥也中不勝貌

叔一作叔

印牛亮切或
作仰音同

章注

四若字君重
耳錯綜有致

恥也華而不實恥也不度而施恥也施而不濟恥
也恥門不閉不可以封非此用師則無所矣二三
子敬乎明日燕秦伯賦采叔子餘使公子降拜秦
伯降辭子餘曰君以天子之命服命重耳重耳敢
有安志敢不降拜成拜卒登子餘使公子賦黍苗
子餘曰重耳之印君也若黍苗之印陰雨也若君
實庇蔭膏澤之使能成嘉穀薦在宗廟君之力也
君若昭先君之榮東行濟河整師以復疆周室重
耳之望也重耳若獲集德而歸載使主晉民成封

河當作汚字
相似誤也

國其何實不從君若恣志以用重耳四方諸侯其
誰不揚揚以從君命秦伯歎曰是子將有焉豈專
在寡人乎秦伯賦鳩飛公子賦河水秦伯賦六月
子餘使公子降拜秦伯降辭子餘曰君稱所以佐
天子匡王國者以命重耳重耳敢有惰心敢不從
德公子親筮之曰尚有晉國得貞屯悔豫皆八也
筮史占之皆曰不吉閉而不通爻無爲也司空季
子曰吉是在易皆利建侯不有晉國以輔王室安
能建侯我命筮曰尚有晉國筮告我曰利建侯得

大演河秋

錄音宙卦兆
辭也从釜从
卜从系類師
古曰作牆俗
本但作錄誤

國之務也吉孰大焉震車也坎水也坤土也屯厚
也豫樂也車班外內順以訓之泉原以資之土厚
而樂其實不有晉國何以當之震雷也車也坎勞
也水也衆也主雷與車而尚水與衆車有震武也
衆而順文也文武具厚之至也故曰屯其錄曰元
亨利貞勿用有攸往利建侯主震雷長也故曰元
衆而順嘉也故曰亨內有震雷故利貞車上水下
必伯小事不濟壅也故曰勿用有攸往一夫之行
也衆順而有武威故曰利建侯坤母也震長男也

虛音區或為墟

母老子強故曰豫其繇曰利建侯行師居樂出威之謂也是二者得國之卦也十月惠公卒十二月秦伯納公子及河子犯授公子載璧曰臣從君還軫巡於天下惡其多矣臣猶知之而況君乎不忍其死請由此亡公子曰所不與舅氏同心者有如河水沈璧以質董因迎公於河公問焉曰吾其濟乎對曰歲在大梁將集天行元年始受實沈之星也實沈之虛晉人是居所以興也今君當之無不濟矣君之行也歲在大火大火闕伯之星也是謂

大辰辰以成善后稷是相唐叔以封晉史記曰嗣續其祖如穀之滋必有晉國臣筮之得秦之八曰是謂天地配亨小往大來今及之矣何不濟之有且以辰出而以參入皆晉祥也而天之大紀也濟且秉成必霸諸侯子孫賴之君無懼矣公子濟河召令狐曰衰桑泉皆降晉人懼懷公奔高梁呂甥冀芮帥師甲午軍於盧柳秦伯使公子繫如師師退次於郇辛丑狐偃及秦晉大夫盟於郇壬寅公入於晉師甲辰秦伯還丙午入於曲沃丁未入於

絳卽位於武宮戊申刺懷公於高粱

戾定底止。箸附滯廢。淫久也。無正無正從也。衷中也。中道思其初時也。前言管仲終善之言。逐求也。郵過也。季末也。勸使適齊。會桓公季末之年。可也。五鹿衛地。塊璞也。復於壽星。歲復在壽星也。申土申廣土地也。啓跪也。處居也。辟罪也。欲避罪。故從中。幾近也。闕伯陶唐氏之火正。居於商丘。祀大火。死以配食。相土因之。故商主大火。實紀商之吉凶也。亂不長世。言亂當有平時。天聚財與衆也。餅并榦也。謀候也。微蔽也。薄迫也。國以為親。君以國相親。猶僚以官相親也。三常政之榦。禮之宗。國之常也。長幼從幼而長也。成幼自幼而成人也。樹種也。艾報也。躋升也。言湯之尊賢下士甚疾。故其聖敬之道。日升聞於天也。有天。天所啓也。殖蕃也。伯行。狐突字。日載之。載成也。相起。相扶持也。軫車後橫木。還軫。猶回車也。所生。謂種黍得黍。種稷得稷。唯在所樹。

言禍福亦猶是也。若不禮重耳。則當除之。不爾則宜厚之。如此不疑。是為德基矣。九獻。上公享禮。庭實。庭中之陳。百舉成數也。古者師行。三十里而舍。三舍為九十里。不獲命。不獲楚還師之命。弓無緣者。謂之弭。縶矢。房。韃弓。殺也。懷贏。子圍妻。與焉。與為媵也。婚禮。嫡入於室。媵御奉匱。盥。揮灑也。囚命。自囚以聽命也。適。嫡妃子也。懼離其惡名。懼以為子圍妻。恐懼其惡名。非有此。則無他故也。不敢以禮致。謂與於五人也。歡愛也。同姓為兄弟。謂同父而生。同德。且得姓同者。乃為兄弟。惠公重耳。其德不同。則子圍道路之人。可以取其妻矣。少典。黃帝炎帝之先。言生者。本二帝所生也。炎帝神農。黃帝滅炎帝。滅其子孫耳。以成。謂所生長以成功也。濟。當為擠。滅也。房。居也。受好。受其所好也。歸女。納幣更成婚禮。逆。親迎也。采。叔。小雅。王賜諸侯命服之樂。黍苗。小雅。道邵。伯述職。勞來。諸侯也。集成也。歸載之。載。祀也。鳩飛。小雅。小宛之首章也。曰。宛彼鳴鳩。

翰飛戾天。我心憂傷。念昔先人。明發不寐。有懷
二人。言已念傷亡人。思成公子也。河水當作沔
水。其詩曰。沔彼流水。朝宗于海。六月。小雅道尹
吉甫。佐宣王征伐。復文武之業也。內曰貞。外曰
悔。震下坎上屯。坤下震上豫。得此兩卦。震在屯
為貞。在豫為悔。八。謂震兩陰爻。在貞在悔皆不
動。故曰皆八。謂爻無為也。震為動。動遇坎坎為
險阻。閉塞不通。無所為也。故皆曰不吉。車雷也。
班。徧也。徧外內者。謂屯之內有震。豫之外亦有
震。坤順也。豫內為坤。屯二至四亦為坤。資財也。
屯三至五。豫二至四。皆有艮象。豫三至五。有坎
象。艮山坎水。水在山上。為泉原。流而不竭也。屯
豫皆有坤象。重坤故厚。豫為樂。當應也。主雷與
車。內為主也。坎象皆在上。故尚水與眾。屯厚也。
車上水下。有威而眾從。故必伯也。居樂母在內
也。出威震在外也。居樂故利建侯。出威故利行
師。授還也。載璧之載。祀也。天行天道也。言公將
成天道也。自胃七度至畢十一度為大梁。自畢

十二度至東井十五度為實沈。大火。大辰也。成
善。謂辰為農祥。后稷之所經緯。以成善道。相視
也。謂視農祥以成農事。以封。謂唐叔封時。歲在
大火也。乾下坤上泰。遇泰無動爻。莖為侯。泰三
至五震為侯。陰爻不動。其數皆八。故得泰之八。
與貞屯悔豫皆八。義同。辰。大火也。參。伐也。參在
實沈之次。令狐曰。衰。桑
泉。皆晉邑。召召其長也。

初獻公使寺人勃鞞伐公於蒲城。文公踰垣。勃鞞

○佳○事○

斬其袪。及入。勃鞞求見。公辭焉。曰。驪姬之讒。爾射

余於屏內。困余於蒲城。斬余衣袪。又為惠公從。余

於渭濱。命曰三日。若宿而至。若干。二命以求殺余。

余於伯楚。屢困。何舊怨也。退而思之。異日見我。對

曰吾以君爲已知之矣故入猶未之知又將出矣
事君不貳是謂臣好惡不易是謂君君君臣臣是
謂明訓明訓能終民之主也二君之世蒲人翟人
余何有焉除君之所惡唯力所及何貳之有今君
卽位其無蒲翟乎伊尹放大甲而卒以爲明王管
仲賊桓公而卒以爲侯伯乾時之役申孫之矢集
於桓鉤鉤古虞近於祛而無怨言佐相以終克成令名
今君之德宇何不寬裕也惡其所好其能久矣君
實不能明訓而棄民主余臯戾之人也又何患焉

且不見我君其無悔乎於是呂甥冀芮畏偪悔納
公謀作亂將以已丑焚公宮公出救火而遂殺之
伯楚知之故求見公公懼遽見之曰豈不如女言
然○是○吾○惡○心○也○吾○請○去○之○伯楚以呂卻之謀告公
公懼乘駟自下脫會秦伯於王城告之亂故及已
丑公宮火二子求公不獲遂如河上秦伯誘而殺
之

祛袂也重耳在翟從翟君獵於渭濱勃鞞爲惠
公就殺之若汝也宿一宿也伯楚勃鞞字蒲人
翟人者言當獻惠之世君爲蒲人翟人耳於我
有何義而不殺君乎申孫矢名呂甥冀芮本惠

公黨。畏見逼害。故謀作亂。遽疾也。駟傳也。下。下道也。脫會道行潛逃之言。

韓詩外傳云
晉文公過曹
里鳧須從因
盜重耳藏而
亡重耳無糧
餒不能行介
子推割股以
食重耳然後
能行

文公之出也。豎頭須守藏者也。不從公入乃求見。
公辭焉。以沐謂謁者曰。沐則心覆。心覆則圖反。宜
吾不得見也。從者為羈。繼之僕居者為社稷之守。
何必臯居者。國君而讎匹夫。懼者眾矣。謁者以告。
公遽見之。

豎。文公內豎。里鳧須也。公出不從。竊藏以逃。盡
用以求納公。沐低頭。故言心反。馬曰羈。犬曰繼。
皇明萬曆己未仲秋烏程閔齊伋遇五父裁注



